

ME CAR AMIS, A SON GAJOUR, AT SCRIV DAL PARADIS.

J'Ò VIST CHE QUÒND CH'U J'È EL J'ELESION
'NA PART DLA GENT CH'LA ENTRA ANT EL SESION
S'LA UARDA I CANDIDATI DA VUTÈ
LA CUR ANT EL GABINI... A GUMITÈ!

SE CHI DA NOI AL CMÒNDA ANMÀ U SIGNUR
L'È MEJA DICIA CH'U SEJA IN DITATUR...
AL BASTA'T FASI SEMPER CUL CH'U DIS
CHE PO PÈR TÛT U RÈST... L'È 'N PARADIS.

JERSIRA TÒNT CH'A BUUVU IN BICER 'D VEN,
SÒN PEDER, SÒN TUMAS E BAUDULEN,
I DIVU CH'U J'ANDREIS 'NA LEGGE SULA!
- A CHI CH'U SBAGLIA 'D GRÒS... TAJÈI LA GULA!

'T VIGRAI CHE CUI CH'I TENU LA PULRON-NA
CH'I S'ERU ZÀ BITUÀ A FÈSLA BON-NA,
PÛTÒST CHE RESIGHÈ 'D TAJÈS LA GULA...
I MÒLU LA PIVETTI BÈL E SULA!

S'J'AVNIISA SÛ CHICDÈN 'D MONTECITÒRI
IL MONDU DRICC CME 'N FÛS AN PÛRÇATÒRI
E PÈR TURTÛRA J'ANFILU ANT EL J'URIGI
TÛCC I DISCURS CH'L'À FACC... OSCAR LUIGI!

LAMBERTO DINI U SERCA AD TRÈS ANÒN
SAUTÒNDA CHI E LÀ CME I RANÇUTÒN;
UARDÒNDA LÛ, UM VEN AN MENT N'AFARI
CH'I DISU DA SCUNDON DA NÒSTER PARI.

CUL DÌ CH'J'Ó SENTÌ DÌ CH'IA SUMA SÛMMJÌ
AM SON CREDÌ CH'Ì FÌISU TÛT CALÛNNJÌ,
MA QUÒND CH'J'Ó VIST EL MUR 'D LAMBERTO DINI
U M'È TUCA' PÈR FÒRSA... RICREDÌMI.

U J'È IN GIURNALISTA IMPERTINENT
CH'U DIS CHE NILDE JOTTI AN PARLAMENT
PÈR FÈ PASÈ DU TEMP A L'À PIÀ'L VISI
AD FÈS PULIT I DITI... COL NARISI!

AL SAT ACSE CH'L'À FACC 'SA MÈSA LUCA?
 PÈR ARSENTÈI A S'J'ANFILAVA AN BUCA
 E SÜBIT DÖP, PER ESI AN ATMUSFERA,
 A S'È GRATAJA I DITI... COU DADRERA!
 S'ij FÒN USERVASION LA FA LA NOVA,
 AN FOND, S'AS GRATA 'L CÜ, L'È ROBA SOVA,
 ANVECE I SO CULEGA AN PARLAMENT
 J'ÒN SEMP' GRATÀ CUL D'J'ATER COLTANGENT!

— AN VIA QUASCO UI GIRA DI BASTARD
 CH'I SERCU'D ROMPI TÛT SENSÀ RIGUARD;
 SON DI VIQLIAC CHE TÒNT CH'I VÒN A CÀ
 PÈR FÈS CURAGI... I RÒNCU I PARACA'!

AL SAT ACSE CH'AI FAS AS TÈSTI 'D CAS
 S'IM DEISU AL PERMÈS D'AVNÌ DABAS?
 A FORSA'D SQIAF... AI DIG CH'I TIRU SÜ
 I PARACA' CHE PRIMA J'ÒN TRACC ZÜ
 E DÖP AI BIT LA PONCIA SUT'AL CÜ
 FINTÒNT CHE 'L PARACA'... T'AL VIGHI PÜ!

— 'SE CH'AL VO DI CHE CUI CH'I VÒN A SPAS
 S'I DEVU TRAVERSÈ PIASA RATAS
 S'IL FÒN AD NOCC, PÈR VIGHI ANDÓ CH'I VÒN
 IS TRÒN ANÒN CON 'NA CANDEILA AN MÒN?

EL PRIM AMIS CH'J'Ó VIST UARDÒNDA AN PIASA
 L'È U RÈ DI LIBI CESAREN FISUR
 E LÉ A J'Ó SENTÌ LA GENT CH'LA PASA
 CH'LA DIS CHE FINALMENT J'È 'N PÒ 'D CIARUR.

LA PÒSTA CH'J'AVU FACC AI TEMP DU DUCE
 AD NOCC, A S'È MAI VISTA CON LA LUCE
 E PER UARDE 'L MOSAICO 'D SEVERINI
 UBSOQNA AVEI LA PILA O J'ACENDINI.

FURTÈN-NA CHE 'L PALASI PROVINCIAL
 IL'ÒN ILÜMINA' CON DOI FANAL
 E 'L MUNICIPI, S'L'ANVISCA EL BUCI 'D VEDER,
 CON IS CIARUR U SMEJA PÜ ALEGHER.

L'È 'L CAS AD DÌ CHE 'L RÒBI D'ALTRI TEMPI
 SON CULI CH'I M'ÒN DACC EL BON ESEMPI;
 ANVECE EL FUTURISMO DU NOVSENT
 AL PÒST DU CIAR M'À DACC L'OSCURAMENT!

- U J'È DI PRUTETUR AD J'ANIMAL,
 CH'I VORU FÈ 'L GATTILE CUMUNAL,
 MA UÀ CHE 'SA GENT LE L'A 'N BÈL CURAÇI
 A SARÈ SÜ DI PÖVER GAT RANDAÇI!

EL GAT L'È 'N "RATTICIDA" NATÜRAL
 CH'L'È ÜTIL ANT I PÒST CME L'USPIDAL;
 AL PREFERIS GIRÈ ANT 'NA RATÈRA
 CHE VIVI SEGREGA ANT 'NA GATÈRA.

PÈR TRASLUCHÈI I VÒN BRANCÀ 'NT LA SCHEJNA
 E J'ÈN PÈR J'ÈN IS MÒLU ANT 'NA CANTEJNA,
 SE DÒP IJ LASI L'È SENSÀ MANGÈ...
 EL GAT S'ALVÓ RUÇÈ U SA CME FÈ.

PERÒ A SO CH'U J'È 'NARASA 'D RAT
 CH'AS LASA NENT BRANCHÈ DAI SÒLIT GAT,
 A L'È 'NA QUALITÀ CHE S'LA RUSEJA
 PÈR FÈLA FORA UI VA LA PULISEJA.

- AL SAT ACSE CH'L'A FACC SÒN BAUDULEN
 PÈR ESI SULTÒNT LÜ 'L PADRON DEL VEN?
 U S'È ANRUFIANÀ CON LA BEFANA
 PÈR FÈS PURTE 'L BREVÈT DEL NÒSI 'D CANA.
 COI SÒLD CH'L'A QUADAGNA VÈNDENDA AL J'ALI
 U S'È FACC FÈ SINGÜNTASING BUTALI
 E DÒP CON L'ACQUA FRÈSCA 'D RUBINÈT
 L'A FACC EL GRIGNULEN E 'L VEN DUSÈT.

DA QUÒND CH'A L'È DVENTA 'L PADRON DEL VEN
 DADNÒN A LÜ UM TUCA FÈI L'INCHEN
 E PÈR AVEI 'NA BUTA CON 'NA TASA
 UM TUCA STÈ 'N QUART D'URA A TÈSTA BASA.

S'AI FAS IN CUMPLIMENT CON AL CÜ COCC
 IS MALISIUS UM VARDÀ DRICC ANT J'OCC
 E S'US N'ANTAJA CH'A TRÈM PÈR U NERVUS
 AL VA A DI CON TÜCC CH'A SON GELUS.

SE ME AM SUTUMÈT AU SÒNT DEL J'ÒCHI
 A L'È PERCHÈ CH'UM PIAS A PIÈ DEL CIÒCHI,
 E PÈR MANGÈ E BEIVI ANS EL SO SPALI
 U M'È TUCA PER FÒRSA SBASÈ L'J'ALI!

CÈRT VÒTI US CUMPÒRTA CME 'L MASNA,
'ME CH'L'A SAVI CH'A SCRIV LA BUSINA,
SAVENDA CH'J'Ó 'L PERMÈS 'D TAJÈ I CULÈT
U M'A PURTÀ DU BUTI AD VEN DUSÈT.

PENSÈ CHE QUÒND CH'A L'AVA NENT 'NA LIRA
S'L'AVGHIVA 'N SIUR, L'ANDAVA A FÈ 'NA GIRA...
A CUI TEMP LÀ L'È SEMPER STACC GELUS
AD TÙCC CUILÀ CHE 'D SÒLD I N'AVU 'N PUS.

L'È RABBIA D'IN SPIANTÀ NULLATENENTE
CHE PÈR TÒNCC ANI A L'AVA MAI VIST NIENTE
E A CUI CME LÜ, UI PIAS TALMENT EL GRÒN,
CH'J'ÒN MAI PUDI S-CIARÈ CUILÀ CH'I L'ÒN!

-DESÀ CHE BAUDULEN U DRÒM DA 'N PÉ
SALÜTA TONT LA CALVO DA PART MEJA
E VIST CH'LA RÒNGIA EL STRÀ E I MARCIAPÉ
TRATÈLA BEN... SENÒ LA FILA VEJA.

ADÈS A VAG DABON ME CAR SANDREN,
FA TÒNCC AUGÜRI A TÙCC I LISANDREN
E S'I SENTIISI IN ÒMI 'D NUVÒNT'ANI
CH'AL PARLA 'D SESSO... PURTÈL ANS EL PONT 'D TANI...

A VIQ CHE CICIARÒNDA A L'È 'VNÌ NOCC
E ZÀ CH'L'È QUASI URA D'ANDÈ CÀ
AV DIG ANCUR 'NA VÒTA: ATENT AI BOGG,
NATÜRÀLMENT, AI BOGG CH'U J'È 'NS EL STRÀ!